



Broj: 05/1-50-13-26-47-3/18

Sarajevo, 22. 5. 2018.

ZAPISNIK

47. sjednice Nezavisnog odbora Parlamentarne skupštine BiH

Sjednica je održana 22. 5. 2018, s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralijski, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicom je predsjedavala Tatjana Klječanin-Martić, predsjednica Nezavisnog odbora. Konstatirajući da postoji kvorum za rad, otvorila je 47. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 46. sjednice Nezavisnog odbora;
2. Razmatranje realizacije planskih aktivnosti Nezavisnog odbora;
3. Tekuća pitanja.

Ad. 1. Usvajanje Zapisnika 46. sjednice Nezavisnog odbora

Zapisnik 46. sjednice Nezavisnog odbora jednoglasno je usvojen, bez primjedbi.

Ad. 2. Razmatranje realizacije planskih aktivnosti Nezavisnog odbora

Predsjednica Nezavisnog odbora Tatjana Klječanin-Martić otvorila je raspravu o ovoj tački dnevnog reda. U raspravi je učestvovala većina članova Nezavisnog odbora, te je nakon rasprave jednoglasno usvojen sljedeći

ZAKLJUČAK

Od Direkcije za koordinaciju policijskih tijela BiH, Državne agencije za istrage i zaštitu BiH i Granične policije BiH traži se dostavljanje Izvještaja o radu za 2017. godinu i Plana rada za 2018. godinu, najkasnije do 4. 6. 2018. godine, radi sagledavanja provedenih i planskih aktivnosti ovih policijskih tijela.

Ad. 3. Tekuća pitanja

U okviru ove tačke dnevnog reda dogovoreno je i da se sljedeća sjednica Nezavisnog odbora održi 18. 6. 2018. u 17 sati te da se na sjednicu pozovu direktor i zamjenik direktora Granične policije BiH.

Dalje, u okviru ove tačke dnevnog reda predsjednica Nezavisnog odbora obavijestila je članove Nezavisnog odbora da je Vijeće ministara BiH dopisom broj: 05-07-1-1208-25-1/18 od 4. 5. 2018. godine, a zaprimljenim u Pisarnici Parlamentarne skupštine BiH 16. 5. 2018. godine broj 01,02-07-1195-2/18, obavijestilo ovo tijelo o Zaključku sa 141. sjednice Vijeća ministara BiH, održane 4.5.2018. godine, kojim su imenovani direktori i zamjenici direktora policijskih tijela BiH (direktor Granične policije BiH, zamjenik direktora Granične policije BiH, zamjenik direktora Državne agencije za istrage i zaštitu, direktor Direkcije za koordinaciju policijskih tijela BiH i zamjenici direktora Direkcije za koordinaciju policijskih tijela BiH). Također, predsjednica Nezavisnog odbora obavijestila je članove Nezavisnog odbora da je Vijeće ministara BiH dopisom broj: 05-07-1-1208-25-2/18 od 4. 5. 2018. godine, a zaprimljenim u Pisarnici Parlamentarne skupštine BiH 16.5.2018. godine broj

01,02-07-1195/18, obavijestilo Nezavisni odbor o razrješenju dužnosti zamjenika direktora Direkcije za koordinaciju policijskih tijela BiH Uroša Pene. Obavještenja su jednoglasno primljena k znanju.

U okviru ove tačke dnevnog reda predsjednica Nezavisnog odbora Tatjana Klječanin-Martić istakla je da je Dom naroda Parlamentarne skupštine BiH dopisom broj:02-50-6-16-39/18 od 15. 5. 2018. godine obavijestio ovo tijelo o usvajanju Izvještaja o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2017. godinu i primio k znanju Plan rada Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2018. godinu.

Predsjednica Nezavisnog odbora Tatjana Klječanin-Martić zaključila je sjednicu u 17.40 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić